

الهيئة العامة لقصور الثقافة

إقليم القناة وسيناء الثقافي

فرع ثقافة الإسماعيلية

# الناس معادن

أشعار بالعامية المصرية

أحمد خليفة

رئيس مجلس الإدارة

محمد نجيب مبروك

مدير الثقافة العامة

محمد عبد الرحيم

رئيس التحرير

عبد الحميد البسيوني

مدير التحرير

عبد المصري

سكرتير التحرير

نشأت نجيب

## بكرة تتقابل

---

مش عارف أقولك إيه

ولا إيه ولا إيه

خبيت ظني فيك وخلص

في حنة رواية

فصصت فيها الولايا

وفضحت نفسك

بصنعة لطافه

يا توفيق يا بن الولية

اللي تعبت وشقيت

عشان تربيك

وتبقى راجل

وليك هيبه

مش تكتب عن الجنس وتعمل العيبه

تقول عالكتابه حريه

راجع نفسك يا تيفه

أنا الشاعر اللي اسمي

أحمد خليفة .. مهما يدور بيه الزمان

## لعب عيال

---

ليه الواحد . .

بيزهق من أكل البيت

وبياكل ف مطاعم ناس

ما نعرفهاش جبالنا منين

استولت ع الفول والطعمية

وبقشيش الأيد . .

الاكثر من نص افرنك

وقلبي الأبن الكلب

هوائي . .

حتى فـ بنات الناس

يصطادهم من قلب الشارع

وتشاركوا عيني الزايغة

اللي بتخرم كل الشبابيك الخضرة

وتطلع منها فتاة

تلبس فستانها الأبيض

وتختارني عريس

أحلامها المغشوش

وتكسر كل حواجز قلبي

وتقولي بحبك بجنون

صدقك كلامها وحسيت

كل اللي عملته زمان

لعب عيال ..

وما حدش يقدر

يحاسبني عليه ..

## أشواق

سيد درويش

خبط على باب البيت

طلعت بنت أختي تعيط

عياط الموت

واحنا بنستى الآخرة

ومش عارف مين

هاخش الجنه

ومين هيخش النار

سيبك من الليلة الحمراء

وقزاة البيره

المش بتفارق روحك

وسيبك م العيل

اللي بيعمل إعلان

مش ولا بد

واتفرج على ماتشاش الكوره

حتلاقي الظلم بعينك

من حكام أباليس

شالت من جواها الرحمه

وقلوبها صبحت مسوده

من كتر التصفير

وهتاف الجماهير

اللي بتموت بالسكتة القلبية

وبتموت برصاص

أمن الدولة

من داخل سور الملعب



## الجنين

من النهارده مـلـيـش دعوـه بـيـكـي  
ولا اخـش فـسـاسـة  
ولا اتعرض لكـلب يـهـو هو عليـكـي  
انـت الـلـي ابتديـتـي  
وطرـتـي بـرـه الحـدود  
وبـحـلم اموت قبل ما المعاصي تسكن فـ ذهني  
ولا اسـمع كـلمـة يـا لـهـوي  
مـصـلـوبـة فـوق حـبل الـورـيد  
يا يومنا العبيط وضايـع فـ صمت الكـلام  
وانا الـلـي دايمـا بـنام فـوق جـروحـي  
واطـبـطـب عـلى ضـهر العـيال  
الـلـي بـتـكـره سـكـوتـي  
يا لـيـلـه عـودـي ولـمـلـمـيـنا

واوعى تـانـي تـفـرـقـيـنـا  
ده الغربيه شـهـ شـهـ  
جـوه الوطن بـالذات  
شـيل الزنـنـات  
وفرقةـها ع العيلة  
او فرغها فـ قلبك افضل ما تموت  
وانت كذاب الليل ضباب بيكحل عيون البنات  
وبيعربد تحت الهدوم القديمة  
وبيسرق كل اسرارك  
اعصر الامـك  
واتباهمافـ وسط الناس  
الفقر مش ترباس  
ولامونه بتتبعض على الحيطـة  
اصبر يا ابو شـلـطة  
ونقي سمـم الأرض براحة

الدينيا مش راحة  
ولا بتحل ب وتديك  
ارقص ويافنديك  
وافرش فرشتك يا ابا  
عيون السما مصاصه  
مصت كام صباح وليل  
ودبش العمائر بيعلي يابا  
وانت ولا داري بالجنين

## البنات

البنات المياله لقلبي  
فجأتني بحب جديد في حياتها  
يخرّب بيتها  
ويخرّب بيت الكلمة الفجة  
اللي فضحتيني فـ وسط الناس  
وخلت قلبي المفعوص  
يتلم من تحت هدومي  
ولا يسمع صوتها الحياني  
الي خلاني أبيع الدنيا واجيلها  
على طرف صباغي المجروح  
من أول نظرة  
شبكت قلبي الممتلئ على عينه

ومش لاقى رغيغ العيش

ولا مستقبل بكرة

هيتضحك لي زي زمان ..

هي حياتنا جنان

والفقر لا بد ف بدانا

ومعشش زي العصافير الزوم

والبنت اللي بترضع

من غير بز مامتها

وتعط ع الصورة اللي اتكسرت

وعنيها اللي طالعه من جوه البرواز

والواد لسه بيلعب ف عيون سته

وهيه بتحكي له الحواديت

الدنيا حقيقة وتقليد

والشاطر يخطف جون

ويعدي المانش

ويلعب ويا الحوت الغدار

ويخطف من نين عنيه

كل حاجاته المرمية

على وش الأرض

طاير غبار ف هوا طير زرار الجاكتة  
واه ع البسكلتة بتمر ع الاسفلت  
تفرغ يمام الشوارع  
وعيال هزيلة متشعبطة ف حنطور قديم  
منه التاريخ طالع يا قلبي يا شارع  
كل الخطاوي فيك انفض كلامك بالعرق  
واترك كلام الورق آه .. يا حبيبتي  
يالي وخده مني نيني عيني لسة الشمال بترف  
والنور مفنجل عيونه أسمع بقّة دارى نجميتك  
اللى بدوشة بيلمعوا  
وانده عليك يا نخل يا عالي  
واسال بقلب أنجرح

عن ارتفاع السباط وعن سقوط البلح

يا ربح بتلعب ف الضفاير سيب الضفاير كلها

هدهد صوابعي وشدها يا سكة عتمة وبتجرح كما

السكاكين

وتخش ف الأوردة وتقطع الشرايين

غرس قلبى أنا فوق الحيطان مسامير

متعلق يافطة لكل الناس ومتحرمة على التجار



واخبار العريبات المرسيديس فـ الشارع  
واخبار الصحبة وشرب البانجو  
وسيد بكالة بتساع النسوان  
سبني انام وغطيني بجرانين اليوم  
قبل الشمس ما تطلع واحكي لي عن سهر الليل  
والفرن الالي والكروسي المكسور اللي ضحكت عليه  
وحكي لي عن احوال الدنيا فـ عيون الناس  
والبس طربوشي اللي متعلق على مسمار الحيط  
وحكي لي عن ايام المماليك  
والموقف اللي خلاني انزل لهيب  
وحكي لي ع الفرخة العيانه فـ وسط الكتايت  
جالها طبيب ولا ماتت مثل الشهداء  
سبني انام وارمي الدنيا ورا دهري ذي بقيت البنامين

واطلع من دمامة قهري  
واليس هيس ذي ما كنت مراهق وماشي بدون اوزان  
سبني انعام وفـ اخر نومه  
انشاهد على روعي  
واطرق ليكم الرأي العام

## مهما تعمل

---

أنا أعرف واحد

أكل شارب في البيت

ولا بيدفع حتى إيجار ولا غيره

ومديون لطوب الأرض

طب اعمل إيه

لما خدوني ف عركة

وأنا مش قادر على دبان وشي ٠٠

ولا قادر ع لحل بتاعي

والشرط اللي خدوه الناس

ف القعدة القبلية

قدام رشوان

والعمدة المهياف

اللي بيغازل البنت أم عيون حلوين

ولزقة ف راسه من يوم ما تولدت

وشبت على ضهر الأرض

طب أعمل إيه

لو جبت القطه

وبصيت ف عنيا

ولقيتها أصدق من كل البنادمين

مش حاطع لشارع

ولابص للعربيات المارة

ولا أبتسم للبنادمين

لكن حارجع للأوضة الكحيتي

وأمارس هوياتي اليومية

في تأليف الدواوين

## أعملك إيه ؟

---

لسه الليل مجاشي  
ولا عداش فوق رموشك  
وأنا لا يمكن أحوشك  
عن الأمل وتجديد الحياة  
أنا عارفك لسه بكريه  
وضحكك طازه  
ذي الفراشة  
وروحك العفیه  
وابنت لسه شايلاني  
وشيلتي أحمال الأساوى  
والقلب كان غاوي  
يفرح ف عز النور

الضلمة مش سور  
ولا طاقة سحرية  
الضلمة سلاح مكسور  
ف وش الحصر  
وصوت بارود البندقية  
وعشان خاطرك  
سبتك تفتش عيوني  
وغسلت قلبك  
ومحيت كل ظنوني  
مانا عارفك  
ودوقت ياما احزانك  
واتغلبت على قهرك  
وتميلت على حيطانك  
واتعكزت على عودك  
وصرخت ف وش بارودك

يقول الحق لو مرة

أنا مش ذرة

ولا بخترع حوادث

أنا عايزك بيت

يلم الشمل

ويمحي كل أحزاننا

ونرجع نغني

ونعشق ريحه وطننا

## كبر دماغك

كبر دماغك

وامشي مع التيار

تبقي انت سبع البرومبة

وصيتك يوصل للامركان

ونندبح من غير ما ندري

ونمسك في النهاية صيجان

ونرقص على خبيتنا القوية

ولا نطول نغسل ايدينا بالميه

ولا ننفض هدومنا م العفار

عيش الـهزار

ودوق الحلو بالعناني

وربط قنديلك المنحوس

وشخال جيبك الفاضي



مغـرم تطـاطي  
وتعصر عواطفك في منديلك  
وتحضرن سواد ليلك  
من غير م الناس تشوفك  
داري كسـوفك  
ووعاك تدهش  
لما يـخـدوك تحري  
مع الصبيان  
لا نقولي قريت للمعري  
ولا ليك في القسم جار  
ح تلف كعب داير  
ويشوفك كل زاير  
وتبقى مجـرم  
تحت لاختبار

## عيدان الزمن

---

يا عم محمد يا أبو إيدين ذهب  
زرعت النخيل وخضرته وكبرت ويا عيدان الزمن  
مانيش عارف بتجامل للخلايق  
ولا لجلن لحبك للوطن  
بأجت كل حيطان العماير  
وعملت فيها أوتار  
كانت كل أنفار البلد  
شايلة شكاير والكتف قايد نار  
الأرض ولادّه وسكتها خطوة معتاده  
وأنا مجربها على نفس الخطاوي  
اللي مشيت عليها أمي  
بحبك مشاعر ٠٠ وقلب شاعر

راسم حروفك يا وطن في القلب والنيبي

تزغرت النسوان

وتصوت في يوم واحد

يا رب يا واحد

يا قادر على المقتدر

والصحبة العفية

علموني جنود البواسل

ما اتحنيش ولا ينكسر لي ضلع للآخر

وأنا اللي عاشق ركوب البواخر

ورعشة حس البنات

أنا ابن التاريخ

ومصر الحبيبة مدوخاني

أرسم شبّاك للأمل

مفتوح • ينقل ثاني

أنا ابن التاريخ  
وكيف التاريخ ربّاني  
من صغر سني بعاني  
وبعافرف الحياة  
والحياة مخنوقة فيه

## الواد أبو طربوش

---

الواد أبو طربوش

بيقول أشعار

وبيتكلم ع الفقرة بجد

وبيتباها بقميصه المقطوع

اللي بيلعن الإبرة

اللي بتغذغذ فيه

وتشكه ٠٠ ذي النار

اللي بتاكل ٠٠ حطب القطن

الواد أبو طربوش

حالف يرفع سيفه

ويعلن للخونة

دم الشهده

مارحش بلاش

أهو علم ٠٠ ع الأرض

وشم الورد

اللي بيطلع من تحت الطين

## سببك م السيرة

سببك م السيرة وخلي الطابق مستور وخلص

ايه يعني لما تشوف واحد بيغازل وحدة والفديو كليب يصور

البنيت العريانة أم قميص شفاف وأبوها يتبسم في وش الشاشة

ويقول فعلاً ربيت بنتي لحد ما طلعة رقاصة سهرات

وبتنافس فيني عبده ويتقطع على شعيلة اللي ذكرلك أعداننا

بكل بساطة وعمل في شريطه كام مليون

أصل ساعتها الناس كانت سدة ودانها

وبتاجر ف الغملة الصعبة

وبتفكر إزاي هتربي خرفان العيد

وتعمل كام أسنكة وشوية دواليب

للعرسان اللي عايزين الدنيا تولع

ويقوموا بمظاهرة زي شباب الجامعة اللي عايزة تغير الدستور

وتعملها حريقة ، وتفتك كل القوانين اللي بتحكمنا

من يوم ما عرفنا النكسة والأغراب دهسونا

الشعر عايز يخذني للإحتراف  
وأنا باجري ويا القوافي وبخاف  
تغريبة ف كل أشعار الحبيبة  
أنتهد لهذا السؤال  
ليه الوطن مكسور وف الكتب  
نلقاه واقف غزال ٠٠ مليت ٠٠ مليت  
من جرح أكل كل حيطان البيت  
مليت من مشي الشوارع  
مليت من ضحكة باردة  
كانت بتسقينني عصير الموانع  
مليت من عتبة البيت القديم  
اللي اتلوت من كثر الصوات ف البيوت



وقلبي خلاص قرب يموت

والحلم جوايا سكوت ٠٠ سكوت

وهمس عمال يعزف لعنكبوت

وعزيزة بتركب عجل وتبيع يوماتي لبان

وهذا السؤال ف البدن

والضحكة وجعاني من زمان

محبوس ف أوضه مجروحه

أبص من شباك وباب

ألقى مداس خطوتي متعلم

في الجايه والروحه

عطشجي السكة عدى على وسلم

وقاللي هموم تحرق قلب المتعلم

قاللي كل كلام العالم همس

مدّ ذراعك تأخذ حقك من قلب الشمس

مليت ونهايتي كانت جوه

عيون بنات حوا

ينظروا لي بعينهم ويقولوا لي

عايزينك يا واد ف الحب تتقوى

وأهين على رعه الجنود الضيقة

مسكوني خيط العدالة

وأنا مصلوب فوق حبل مشنقة

## متضايق حبتين

---

متضايق حبتين من يوم ما جسمي

عرف معنى البلاط

والعيشة اصبحت قصر ديل

من يوم ما الشعب صوته مات

ليه دايم متضايقاني

وخنقاني جواكي اشيء

وتصفري ف عيوني

وعمرك جوايا ما تهوني

لما اشوف جواكي ترياق

حتفضل لامتي تعبان

وتزعل من أسيانك الغريبة

عدل امورك وافتح ببيان الحقيقة

كل يوم بطلع من هومي  
وأخش بيت الوطن من ثاني  
تخذك الشهامة ف حاجات  
وتحضن الوطن  
وتبوس ايدين الكلاب  
وتفضل نعانى لما يجيلك سهم صارخ  
يقطع شرياتك اللي فاض  
الحلم اصبح لون التراب  
والحب مقفول عليه ميت ألف باب  
بعثرت نفسك للي رايح واللي جاي  
وفضلت تبكي لما الحزن شدك وأنت بتشرب  
ع القهوة شاي  
تعمر دماغك بابه ٠٠٠  
مافيش غير تصبر على الصبر  
ويكون فى جييك جنينه

تفجر ع اللي جابك

ولو مرة عابك

إدفع حسابك ٠٠ وأخرم عينيه

وأمشي عالبلاط

وما تكونش مطاط

وكلامك المنقاط

ترشقة جواك وتحتويه

## هز اللجام يا صبحي

---

الناس في وسط الزحام

بتنطق كلام كله قصايد

وأنا عديم الكلام ..

بنطق من القلب الرخام

حزن البشر فالقصايد

هز اللجام يا صبحي

واركب قطار محطاتي

وأبتسم لعصفور الغرام

وأبتسم للزمن الآتي ..

الليل يهاتي

والشجر يرقص يوماتي

وعصفور مزققاتي

يرقص على شباكي  
يعلمني طعم الحنين ..  
بحلم ..  
بحلم بمين  
بحلم بالبلد ..  
بحلم بالولد ..  
ويقلب أخضراني ..  
يتشعبط في موالي  
ويلف فالدروب  
وأبتسم بخجل وأموت  
من جرح قطعني  
من جرح مزعني ..  
وتبت في حلق السكوت ..

## الماضي القديم

---

أنا عمري لا جريت ورا الشهرة  
ولا لبست الكرافات أياها  
ده أنا حلمي بسيط وليه ذكرى  
لما أزرع تقاوي الحب وأهواها  
وأشوف قنديك الغالي يرقص ويتباها  
بخلقة رباني .. وأنا الغاوي  
أعرق في أرض الفلاحة  
وشايك في قلبي من يوم ما عرفت الرضاعة  
وصدق العجايز في الكلام  
لو تسمعي في ذكريات المحال ..  
عن جدي اللي شال  
الغلق في حفر القنال



كانت أيام ...

وناس بتعشق وطن بيجري ف الشريان

وعنيكي لساها بتحتويني

والسؤال .. ليه الوطن غير ملامحه ؟

وتشقلبت موازين الزمان

كانت في الماضي .. الحلوة تعجن وتخبز وتفرح العيال

ومدارس كانت بتنتج عقول بهية

وتتمنى الإجابة ..

والسؤال يا قلبي يا ميل

الدنيا دنقا ومقروص جوايا الكلام

شفت الحمام بيغني

وعصافير بتنده للسلام

ابتسم عرابي وقال لي

ليه الألوان بقى بني

واتغيرت حقيقة الإنسان

## شيماء

---

وحياة ربنا الخلاق  
قلبي بيجبك ياما ..  
ويوماتي بحلم بشتياق  
لما تفارقيني  
وتقوليلي بالسلامة  
من يوم ماتولدنا  
وانطلقنا في شارع الثلاثيني  
كنا عيال ... وحلم البكارة ببيشدنا لقدام  
ودايماً يا حبيبتي نشخبط ع الحيطان  
ونكتب كلام الصدق والمعنى ..  
ونعش طير الجيران  
ونحضن الوطن

ونشكيله أوجعنا ونطلع أبراج الحمام ..

نغزل للقمر فستان

ونضحك ضحكة العرسان

والجرح القديم ينشال

والحياة تبقى ليها .. ألف معنى ومعنى ..

## بقالي سنين

---

بقالي سنين وسنين      شايل ف القلب حنين  
ومجرب نارك      وجراحك يا فلسطين

بقالي سنين وسنين

الأرض المجروحة      ف دمي  
ولا قـادر      أصرخ ولا أغني  
إلا جـروح      عماله تقولي  
أمسك جـرك      يـالله و صلي

وادعي وقول بالقلب أمين

وادعي وقول بالقلب أمين

## مقدمة

---

هلت بشاير كثير  
ويسلم فمك يادي الفقير لما  
تبغزق فلوسك الفكة وتتام  
وتحلم بالضمير  
وبقرش صاغ فضة

\*\*\*

## قصيدة

---

يا عم يا بلاص  
فراقك جاني ذي طلقة رصاص  
وزغرونة الفرحة الزفة  
لا عرفت مين اللي مات

ولا مين اللي اتزف في النكسة  
لفلفوك يا حلم ف شوية هلاهيل  
وقاسوا عليك الكفن  
وكننت ساعتها لا تعرف شئ عن الموت  
ولا تعرف شئ عن الوطن  
زغرت قلبي الوحيد لفوق  
عن الموت البرئ والمنتظر  
ياليل يا فارد حملك على  
كتوف الغلابة  
الصباح شقشقق  
واللحمه بتتنانق  
ف حلقق الديابرة  
ياليل يا ساكن ف داري  
خد اسمي واركب حصاني  
وشاغب الممنوع

طريق الحق ربياني

اموت فدا الموجه

## مقدمة /

يا غاوي المشهد

تعالى أشهد

وشوف مين الي

واخذ البطولة

( ١ )

الشمس فوق التراب

لساها بتلسع في القدم

والقلب مات واندفن

والسؤال جوايا يا عم

مكتوب بالدم

ولا كنه يا



رَبِّتَهُ مَا أَتَكْتَبُ

( ٢ )

كُنَّا أَحْنَا الْفَقَارَه

بِتَكْتَبْ عِنْدَهُمْ

عَبِيد فِي الْأَسْتِمَارَة

يَا دُوسِيَهَاتِ الْمَحَاكِمِ

أَرْكَبِي فَوْقَ الْخَوْفِ وَأَنْطَقِي

وَيَا لَيْلِ رَدِّ السُّؤَالِ

بِنَشَقِ الْهَدُومِ أَيُّوَهْ وَلَا لَاهْ

فِي الزَّحَامِ

( ٣ )

وَكَلَامِ فَوْقِ الصَّدُورِ وَعَلَى يَفْطِ دُمُورِ

كَاتِبِينَ أَحْنَا عَيُوبِ الزَّمَنِ

( ٤ )

يَا طِينَةَ الْحَيِّ أَشْهَدِي

مين الي اتباع برخص التراب  
أنا ولا أنتِ ولا تاريخنا اللي فات  
أنا ولا أنتي وتاريخنا الي فات

## رواسب

---

وممكن ثاني نحلم      لو كان الليل مناسب  
ف العتمة ليه بنحزن      وكثير ديمنا نعاتب  
ممکن ف الحلم نبقى      شجرة افراح ونبقى  
لو توب الحزن عبه      من أحلامنا الرواسب

وممكن ثاني نحلم

لو كان الليل مناسب

بنمد الايد ونخطف      من جوف الليل حقيقة  
لو نبض القلب رفرف      تبقى الأحلام بريئة  
وزمان تبت فتوبنا      بيحز كلام قلوبنا  
وساعات النور ياخدنا      ويفرحنا ف دقيقة  
ممکن ف الحلم نبقى      شجرة افراح ونبقى  
لو توب الحزن عبه      من أحلامنا الرواسب

٥١

وممكن ثاني نحلم

لو كان الليل مناسب

لو يوم نفتح قلوبنا	هيفيض دمع الألم
سهم الأحباب يصبنا	يقطع صوت النغم
وبرغم الهم واحنا	ياما للحزن روحنا
جينا نطيب جروحنا	وغرقنا ف العدم
ممکن ف الحلم نبقى	شجرة أفراح ونبقى
لو توب الحزن عبه	من أحلامنا الرواسب

وممكن تاني نحلم

لو كان الليل مناسب

## نفس الخطوط

نفس العيون ٠٠ نفس الملاح ما تغشوش نفس الخطوط  
قلبي اللي سلم من رمش جارح ما يهزهوش طول السكوت  
أنا بسمعك من غير كلام همسك لغة فدنيا الغرام  
يا حضن مليان بالأمان شطك غريب غير الشطوط

نفس العيون ٠٠ نفس الملاح

ما تغشوش نفس الخطوط

يمكن أكون كلمة غريبة وأنت اللي في أيديكي النجاة  
ما تصحنيش أصل الحقيقة تسرق من الأحلام حياة  
سبيني أحلم وابتسم واعزف على رمشك نغم  
قلبي لا يمكن ينهزم طول ما انت فد عنيكي الضياه  
أنا بسمعك من غير كلام همسك لغة فدنيا الغرام  
يا حضن مليان بالأمان شطك غريب غير الشطوط

نفس العيون ٠٠ نفس الملاح

ما تغشوش نفس الخطوط

لو يوم نتوه بين الوشوش أو ننسى أشواق السنين  
نفس الخطوط واضحة الرتوش على نهر ملبان بالحنين  
قلبي الصغير من زمان عاشق عيونك والحنان  
محتاج لحضن يكون أمان واجمع كلامي فـ كلمتين  
أنا بسمعك من غير كلام همسك لغة فـ دنيا الغرام  
يا حضن ملبان بالأمان شطك غريب غير الشطوط

نفس العيون ٠٠ نفس الملاح

ما تغبروش نفس الخطوط

إبتدينا ٠٠ إبتدينا  
نظرة واحدة وإتقابلنا  
لمسة واحدة بألف صوت  
وإبتدينا بالسكوت ٠٠٠

إبتدينا نحكي واحنا  
إبتدينا ندوب في روحنا  
كل شئ عدى في ثواني  
كل شئ بقى شكل تاني  
لسه أغراب في الحياة  
نغزل الأشواق بأه  
والكلام تاه في المعاني  
والطريق حاضن خطاه

نظرة واحدة وإتقابلنا

ضحكة صافية شعور ما بنا

لمسة واحدة بألف صوت

وإبتدينا بالسكوت

قلت كلمة واحدة ليكي  
كلمة لمسة من إيديكي  
يا طريق الود هدي  
شفتق الحب في صياحي  
كلمة من غير أي صوت  
توصل الليل بالخيوط  
خضر الأحلام في قلبي  
فتح الأشواق وندي

نظرة واحدة وإتقابلنا  
ضحكة صافية شعور ما بنا  
لمسة واحدة بألف صوت  
وإبتدينا بالسكوت



## أية الحكاية

---

أية الحكاية بتعند معايا  
وتضحك لغيري وتبعد هوايا

### أية الحكاية

قربك منايا ٠٠ وهمسك كفايا  
وكل ما أقرب وأقول دي البداية  
الاقى كلامك ٠٠ وأتوه بين خصامك  
وأرجع لوحدي في حيرتي وأسايا

### أية الحكاية

بتزعل تملي لو أضحك وأطير  
وأشوفك في حلمي ودايما تغير  
وأضيع وسط موجة ٠٠ وتحذفني موجة

وترميلي نظرة تكون المصير  
ده قريب منايا وهمسك كفايا  
وكل ما أقرب وأقول دي البداية  
الاقى كلامك واتوه بين خصامك  
وأرجع لوحدي في حيرتي وأسايا

#### أية الحكاية

مشاعري تجاهك بحق وحقيق  
لو ازعل .. ودالك يكون الطريق  
هتعد ما تعند .. وتهجر وتبعد  
لكن مهما تبعد .. ده حبك غريق  
قريبك .. منايا وهمسك كفاية  
وكل ما أقرب وأقول دي البداية  
الاقى كلامك واتوه بين خصامك  
وأرجع لوحدي في حيرتي وأسايا

#### أية الحكاية

## تحت حيطان النواصي

---

تحت حيطان البيوت	حت حيطان النواصي
ما بيعرفش السكوت	جدار الهم عاصي
والآه هيه الدليل	والليل ٠٠ الليل طويل
تظهر لكن تموت	والضحكة تبان وتظهر

تحت حيطان النواصي

تحت حيطان البيوت

كان الجدار عريان	تحت حيطان النواصي
واقف هناك إنسان	ووشوش بعيون بريئة
وتتبدل جروحي	وتتلخبط مشاعري
ويعشعش عنكبوت	تعيش الآه في قلبي

تحت حيطان النواصي

تحت حيطان البيوت

يا حيطان قديمه عارفك      كاتب اسمك زمان  
وفي وسط الضلمه شايفك      شايف كل اللي كان  
شايف في عيون حويطه      دمعه بتهد حيطه  
يا دموع ماتت شهيده      سامع في القلب صوت

سامع في القلب صوت

سامع في القلب صوت

## لا يمكن

حش الإذاعة

وحش ماسبيرو

وحش قسيمة ٠٠ بعيدة

عن العيش الفينو

هل نذاع لا يمكن

## تاني

---

مش هسئمك تاني

ولو شئمتك هقطع لسانك

ولو غيرتي جنسيتك

مش هتبقي أنتي الحبيبه

ولا أنت أوطاني

## حوش يا حواش

---

عود روحك لو قابلت أي بعوضه

ماتتهورش عليها

ولا ترفع سيفك

وتعمل فيها عنتر في زمانك

الليل عمره ما خانك

أنت اللي بتخاين روحك

وبتعربد في الأشياء

اللي بعيد عن توبك

## عفاريت الليل

---

ف أرض أبو ذكرى ..

ألتمينا وربطنا المناديل عالقورة ...

وهات يا عزيز

في أراضي واسعة

مليانة حكاوي عن أمي وأبوي

كان الوالد حي ..

زارع عمره بسمه وخضرة وضي

وأنا رايع جي ..

بحلم بالقناديل

تطلعي عفاريت الليل

تخطف مني الحلم وأموت ..



طول عمرك عايش فـ اوضه

وأصحابك بيعدوا عليك كالعاده

ويبسمعوا منك قصايد

ويعلموك فن الكتابه

يمكن تبقى شاعر

وتفجر فـ يوم أشعار الحدائه

زي صلاح جاهين

اللي كتب عن السلطان حسين

وشجرة الكافور

اللي حاضنه أسرار الغلابه

أو يمكن قلبك يميل

وتعيش حياتك سلسبيل

وتصلي فرد الجنابة

ع اللي ماتوا فـ دير ياسين

واللي ماتوا بالشهادة

## غني عالسسميه

---

غني عالسسميه

لسفايين رايحه وجيه

وايدين بتشاور ليئا

وبترمي علينا تحيه

غني عالسسميه

\*\*\*

يا شجر متغطي بحنه

حوالك قاعدين نتنهني

والصحيه اهي واللمه

م البحري والمنشيه

غني عالسسميه

\*\*\*

من فوق كوبري المحطة  
وأنا ماشي فـ طول السكه  
يا بلادنا أهـي فاضله خطوه  
وأديك قلبي هديه  
غني عالسمسميه

## القدر

---

تحت حيطان النواصي

كان الجدار عريان

والليل يسمعنا

وبسمع همس الكلام

ويا ضحكتي اللي طابها الألم

علميني اركب التيار

واوشوش كل شئ يحتمل

أدي الأمل يا أمل

اتبدلت كل ضلوع الرخام

وحيطان كثير ٠٠ كانت محوطاني

وعفار وقش ٠٠ سكنوا مكاني

وعيون حويطة لساها بتأمرني

آه وآه وآه

وكلمة الآه بتجرحني

وفوق طرف اللسان بتدبحني

وتتلخبط ما بين عواطفي وجروحي

تتلحح كل المشاعر

وتتدلّق ع الورق

شربات ودم راح ينحرق

وقلبي اللي كان يحلم في المنام

واتعفر جواه الكلام

أتعفر جواه الكلام

شفّت المكن .. شفّت السير

شفّت عيون حبيبتي

فوق خدودها دمعتين

## نفسى أعيط

---

نفسى أعيط

وأفرج على دمع عنيه

وهو بيتبعت على وش الأرض ٠٠٠ بس بشرط

أفرج على صورتي زمان

لما رسمني الرسام

ف بداية تعليمي الفني

قبل التوها ٠٠٠ وقبل زحام البني آدمين

أنا أكبر من سن العشرين

ودقت مرار الغربة

ولقيت على قضبان الزنازين

مين يعمل كمين

ويمسكي اللص اللي نهبني

من جوه الأوتوبيس ٠٠٠ أنا معرفش شاويش

ولا بتعامل وياهم

من يوم أمي ما راحت

للظابط وشتما ٠٠٠ على فعل الأباليس



## مش عارف

طالع من بيتنا

مش عارف رايح على فين

خدلك قرشين

يمكن تركب

مترو الأنفاق

وتنسى همومك ومشاكلك

وتتأمل في ميدان التحرير

على أشياء

ممكن تكتبها في قصيدة

أوف ديوان مغمور

## الفهرس

رقم الصفحة	القصيدة
٣	بكرة نتقابل
٥	لعب عيال
٧	أشواك
٩	الجنين
١٢	البنيت
١٥	شخابيط
١٧	أخبارك إيه
١٩	مهما تعمل
٢١	أعملك إيه ؟
٢٤	كبر دماغك
٢٦	عيدان الزمن
٢٩	الواد أبو طربوش
٣١	سبيك من السيرة
٣٢	القضية
٣٥	متضايق حبتين
٣٨	هز اللجام يا صحبي

٤٠	الماضي القديم
٤٢	شيماء
٤٤	بقالي سنين
٤٥	مقدمه - قصيدة
٤٨	أحلى ما فيكي مشهدك
٥١	رواسب
٥٣	نفس الخطوط
٥٥	إبتدئنا
٥٧	أيه الحكاية
٥٩	تحت حيطان النواصي
٦١	لا يمكن
٦٢	تأتي
٦٣	حوش يا حواش
٦٤	عفاريت الليل
٦٥	برتقائيات
٦٧	غني عالسسمية
٦٩	القدر
٧١	نفسي أعيط
٧٣	مش عارف

رقم الإيداع ٢٠٠١ / ١١٤٨٦

نيراس  
للنشر والخدمات الإعلانية